



■高海寧與黃智賢飾演隱世高手。

■吳偉豪與游嘉欣不是演情侶。

■謝嘉怡久未拍劇，心情興奮。

黃智賢除剩底褲通街跑

高海寧戰鬥力暴升 唔再做豆腐Ling

高海寧（高Ling）、黃智賢（Ben）、周嘉洛、謝嘉怡、吳偉豪與游嘉欣等，昨日到將軍澳電視城出席新劇《武林》造型暨拜神儀式。高Ling透露會耍雙刀，希望洗脫「豆腐Ling」之名。黃智賢自爆僅穿內褲拍裸跑戲，心理壓力很大，要操Fit身形。

高Ling與Ben在新劇飾演前度關係，二人更是武林高手，一個擅長雙刀，一個拳腳功夫了得。高Ling透露飾演美容師，使出「還原靚靚拳」幫女士美容，同時亦是隱世高手，故去年10月她已上堂練武，希望洗脫「豆腐Ling」污名，升級做「炸豆腐」，她說：「因為我本身好易受傷，初時要耍豬肉刀，但好重，後來改耍雙刀，仲要做一字馬。原本要戒食醋，等啲筋軟啲，但我又好鍾意食水餃，冇醋唔得，暫時啲筋骨都未夠鬆，所以練唔到，到時再算。」

Ben自爆其角色是武功最好的一位，以拳腳為主，尾段更會耍天龍刀，身旁的高Ling即踢爆他有裸跑演出，他笑言：「呢場戲令我心理壓力好大，我會除剩條底褲通街跑，自己未試過，好驚！因為呢場戲一直要Keep Fit。」

周嘉洛自嘲「崩壞版朴敘俊」

飾演的士司機的周嘉洛新髮型被指似韓星朴敘俊，他自嘲說：「人哋係靚仔，我係壞咗嘅栗子頭。」他又指於劇中單方面喜歡謝嘉怡。謝嘉怡表示會耍劍，去年8月已開始練習，嘉洛則表示十八般武藝都要學：「我要騷Body，上下都要操練。我一直想拍打戲，今次好開心可以圓夢。」

吳偉豪以交通督導員制服亮相，游嘉欣則為了角色剪短髮，臉龐較以前清秀。問到告別長髮可有捨？她說：「未至於喊，差少少，不過剪短髮好易打理。」吳偉豪稱與游嘉欣並非演一對，但二人的關係會令人誤會。



■周嘉洛於劇中精通十八般武藝。

李龍基撲返港探未婚妻： 希望佢受咗教訓重新做人

李龍基未婚妻王青霞（Chris）被控逾期居留等6罪，被羈押在大欖女懲教所。李龍基昨早由廣州坐高鐵趕返港，他老淚縱橫向傳媒表示時間緊迫，要趕到大欖女懲教所核實身份才可探望未婚妻。抵達後，他跟未婚妻會面15分鐘，之後在懲教所外受訪。他指Chris狀態還可以，經過今次事件後，相信她以後任何事都會跟他商量。

對於未婚妻在美國曾有一段舊情，李龍基表示見過對方前男友，力撐女方沒有劈腿，更對天發誓：「佢從來冇喺我身上

拎一個錢。」他指7個物業已給了前妻：「我有物業，錢又唔多，但佢都願意跟我，佢係鍾意我嘅性格，而且我哋興趣相近，我覺得佢係搵到right man。」他又指Chris已向他道歉：「希望佢受咗教訓後重新做好人。」問到若未婚妻被定罪要服刑，會否申請在監獄簽字結婚？他說：「唔得，因為佢唔係香港人，結婚應該只會嚟內地進行，相信佢出嚟都只會被遞解出境，返去內地住都冇所謂。」強調一定會跟Chris結婚。



■提起未婚妻，李龍基老淚縱橫。

「歌神」許冠傑（Sam）早前透露邀得龍婷、炎明熹（Gigi）和梁詠琪擔任演唱會嘉賓，Gigi更有份參演本周六晚在翡翠台播映的《最緊要許冠傑》音樂特輯。日前她到Sam的Band房拍攝，Sam親自開門並給了她一封大利是，Gigi即送上豹紋圖案的大毛巾，讓Sam做完運動後使用，相當貼心。之後二人落力Jam歌，非常合拍。Gigi表示：「知道可以做Sam哥個唱嘉賓後真係好緊張，希望喺前輩身上學習到唔同嘅嘢。」

炎明熹向許冠傑偷師



■許冠傑很喜歡炎明熹送的豹紋毛巾。

林家棟獻計支援電影業

林家棟與劉偉強等前晚出席「香港專業電影攝影師學會」36周年晚宴，紮了丸子頭的家棟笑言以前試過留長頭髮：「留咗兩年，一埋位開工就剪咗。（即係兩年冇工開？）係，當

時好慘㗎！不過依家電影市道亦唔見得好，今年開戲都唔容易，真係要再同政府傾吓點樣給予更多支持。」家棟身為「香港電影發展局」委員之一，希望與主席及其他委員多作溝通：「因為我係支援組嘅委員，都會開會講點樣支援電影業，會講啲有建設性意見。」



■林家棟